

Opitz, Martin: Sonnet (1624)

1 Ihr die jhr höret an/ wie mancher Sturmwind wehet/
2 Durch seufftzen ohne zahl in meinen Reimelein/
3 Vnd einen weiten Bach darin/ voll Threnelein/
4 Vnd ein verletztes Hertz voll tausent Wunden sehet
5 Er lernet wohl hierauß/ waß man in lieb' außstehet/
6 Darin die junge Zeit mich ließ ergeben sein/
7 Al Bich für wahre lust hielt' einen falschen schein/
8 Darüber mich jetz und hertzliche rew' vmbfähet:
9 Vnd fliehet solche brunst vnd jhre süsse Gifft/
10 Der eiteln schönheit glantz/ die vns das Hertz schnell trifft/
11 Vnd angst vnd schmertzen vol witzloß herummer leitet
12 Ohn tugend ist schönheit nur ein triegliches Kleid/
13 Wer solcher dienstbahr ist/ dem lohnet rew' vnd leidt:
14 Auß tugent wahre lust allein wird zubereitet,

(Textopus: Sonnet. Abgerufen am 23.01.2026 von <https://www.textopus.de/poems/10725>)